



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Reverendi Dom. D.|| Leonardi || Rvbeni SS. Theolo-||giae
Licentiati Abbatis || Ordinis D. Benedicti Mo-||nasterij
Sanctorum Apostolorum Petri & || Pauli Abdinckouensis,
in ciuitate || ...**

Ruben, Leonhard

Padibornae, 600 [i.e. 1600]

VD16 R 3400

Ad Reverendissimvm In Christo Patrem Illvstrissimum Dominum D.
Theodorum Dei & Apostolic[a]e sedis gratia Episcopum Padibornensem,
Sacri Romani Imperij Principem Dominum Clementissimum.

[urn:nbn:de:bvb:12-bsb10194563-1](https://nbn-resolving.org/urn:nbn:de:bvb:12-bsb10194563-1)



A D
REVEREN-
DISSIMUM IN CHRI-
STO PATREM ILLUSTRIS-
simum Dominum D. Theodo-
rum Dei & Apostolicę sedis gra-
tia Episcopum Padibornensem,
Sacri Romani Imperij Princi-
pem Dominum Clemen-
tissimum.

LEONARDI ABBATIS IN LI-
BRVM DE FALSIS PROPHE-
tis & lupis rapacibus proce-
mium.

Nihil est, Reuerendissi-
me Domine Princeps
Illustrissime Domine
& patrone Clemētissime, quod
Deo, quem ob bonitatem optis-

A iij mum

P R A E F A T I O.

mum, propter vim verò maximū semper nominauimus, magis curę fuit quā hominem serpentina fallacia in peccatū præcipitatum, pristinæ rursus integritati, postpositis dæmonibus, restituere. Hinc nullum fuit seculum quo nō locutus est patribus nostris in prophetis, teste D. Paulo Hebr. 1. 1. quoad nouissimè loqueretur nobis in filio suo Iesu Christo, quem constituit hæredem vniuersorū, per quem fecit & secula. Sic statim septimus ab Adam prophetauit Enoch teste D. Iuda in sua epistola v. 14, vt homines à scelere, speculatione diuinorum iudiciorum deterreret; dicens. *Ecce venit Dominus, in sanctis millibus suis, facere iudicium contra omnes, & arguere omnes impios, de omnibus operibus impietatis eorum*
quibus

P R A E F A T I O.

*quibus impiè egerunt, & de omnibus duris qua
locuti sunt cõtra eũ peccatores impij.* Hunc

secutus Noe 8. iustitiæ prece, teste D. Petro 2. Pet. 2. 5. de quo loquitur Dominus ad Regem Abimelech Gen. 20. 7. nunc ergo redde viro suo vxorem & orabit pro te, quia propheta est. Talis Moyses Deut. 34. 10. Talis Aaron Exodi 7. 1. Talis Balaam quamuis malus Num. 24. 17. Talis Samuel 1. Reg. 3. 20. Nathan 2. Reg. 7. 2. Ahias Silonites, 3. Reg. 11. 19. Iehu 3. Reg. 19. 16. Talis cum Elia 3. Reg. 18. 25. Helifeus. 3. Reg. 19. 16. Talis Hanani 2. Par. 16. 7. Michæas 3. Reg. 22. 8. 2. Par. 17. 7. & 18. 7. 8. Esdras. 4. Efd. 1. 2. talis Iob. & Dauid, quatuor maiores Prophe-
tæ, Isaias, Ieremias, Ezechiel, Da-

A iiij niel

P R A E F A T I O,

niel. Tales duodecim minores
quorū series est in sacris literis.
Neque hoc dono prophetiæ ca-
ruit Ecclesia Christiana, sub
huius enim initium in Christo
Domino omnium prophetarū
maximo, inchoatum est, vt vati-
cinio Moyfis responderet veri-
tas, cū inquit, Deuter. 18. 15.
*Prophetā de gente tua, & de fratribus tuis sicut
me, suscitabit tibi Dominus Deus tuus, ipsum
audies.* Et paulò post ipse dominus
ait. *Prophetam suscitabo eis de medio fra-
trum suorum similem tui: & ponā verba mea
in ore eius, loqueturq; ad eos omnia qua præce-
pero illi. qui autē verba eius qua loquetur in no-
mine meo, audire noluerit, ego ultor existam.*
Hic D. Ioan. Baptista vt præcur-
fore & propheta altissimi, iuxta
vaticiniū parentis sui Zachariæ
Luc. 1. & D. Ioan. Apostolo &
Euangelista simili propheta do-
no

P R Æ F A T I O.

no illustrato vsus. Demum dato in die Pentecostes spiritu sancto, copiosius multò nascenti & quasi auroræ confurgenti communicatur gratia prophetiæ, Ecclesiæ nostræ, quàm olim Synagogæ. Id quod in prima sua concione ex loele propheta Apostolorum facilè princeps D. Petrus act. 2. 17. fusissimè educit.

Et erit, inquit, in novissimis diebus, dicit Dominus, effundam de spiritu meo super omnem carnem, & prophetabunt filij vestri & filia vestra, & iuvenes vestri visiones videbunt, & seniores vestri somnia somniabunt. Ex his erat

Agabus & cæteri Prophetæ, qui venerant ab Hierosolymis Antiochiam Act. 11. 27. Ex his Barnabas & Simon, qui Actor. 13. 1. Antiochiæ interfuere consecrationi D. Pauli & Barnabæ. Tales fuisse Corinthi 12. caput 1. epist.

P R A E F A T I O.

D. Pauli ad Cor. manifestè tradit. Tales in Ecclesia vera Christi vsque ad consummationem seculi permanfuros, D. Paulus ad Ephes. 4. 11. scribens, certissimus & indubitatus testis est, Quin & gratiam hanc, foemineo sexui à Deo cõmunicatam fuisse in veteri testamento docet de Maria sorore Moysis Exo. cap. 15. 20. de Debora liber Iudicum cap. 4. 4. de Holda sorore Solum 4. 22. 14. Neq; ea defuit in nouo testamẽto Beatissimæ Marię virgini Matri Saluatoris, quã Archangelus Gabriel gratia plenã, Isaias 8. 3. prophetissam vocitat, cuius vaticinium ex Lucæ primo capite desumptũ in dies singulos inter cætera Ecclesię cantis

P R A E F A T I O.

cantica piè & religiosè veneramur, iuxta id. *Ecce enim ex hoc Beata me, dicent omnes generationes.* Post hanc Lucæ capite 2. vers. 36. Anna filia Phanuelis de tribu Afer prophetissa, tam de Christo Salvatore nostro, quàm de Beatissima eius matre vaticinata est. Ex his Act. 21. 8. quatuor virgines filiaë Philippi Euangelistæ, prophetantes. Quas postmodum cum simili dono secutæ sunt aliæ quàm plurimæ Deo sacratæ virgines, quæ in diuersarum religiosarum familiarum contuberniis, vitam ab hoc seculo abductissimam, Deo verò sponsoque cælesti coniunctissimam duxerunt. Hi omnes summa Dei sapientia cõstituti, quæ, vt est Sapientiæ cap. 7. vers. 23.

Cum

P R A E F A T I O.

*cum sit una, omnia potest: & in se permanens
omnia innouat, & p nationes in animas sanctas
se transfert, amicos Dei & prophetas constituit.*

Quos omnes quantis præ cæte-
ris omnibus Deus ipse in sacris
literis munierit, & auxerit bene-
ficijs, satis superq; varijs & vijs &
modis sacrarum literarum tra-
dunt volumina. Hi enim potissi-
mas partes legatorum DEITE-
nent. Ier. 7. 25. & 35. 15. 17. Matt.
23. 29. 30. Ab his equissimas illas
diuinorum præceptorum leges
accepimus. Efd. 9. 10. 3. Efdre 8.
38. 4. Efd. 2. 1. Sap. 11. 1. Danielis
9. 6. 10. His fides omnis adhiben-
da 2. Paral. 20. Isai. 7. 9. His bene-
faciendum exemplo viduæ in
Sarepta Sidoniorum 3. Reg. 17.
& Abdia 3. Regum 18. 4. 13. Ho-
rum lectioni sedulo vacandum
Ecclesi

P R A E F A T I O.

Eccl. 39. 1. Sap. 44. 3. Dan. 92.
Luc. 4. 17. & 16. 29. 31. Act. 8. 28. 30
& 13. 15. & 28. 23. 2. Mach. 2. 13.
Hi sunt qui cum Ieremia pro-
pheta multum orant pro po-
pulo & vniuersa sancta ciuitate
Ierusalē, licet varijs & exquisitis
simis tormentis, ab incolis eo-
rum diuexati, & discruciatifue-
rint. Interim furore & inuidia
Satanæ vix acceptis verorū pro-
phetarum vaticinijs, apparent
zizania falsorum prophetarū,
superfeminata tritico, dormien-
te patrefamilias & supina negli-
gentia somno sopito nauclero,
navis Ecclesiæ, vel hinc inde ia-
ctatur varia tēpestatē heresum
& fluctibus errorum impelli-
tur: vel à belluis marinis falso-
rum prophetarum in præceps
fertur

P R A E F A T I O.

fertur & rapitur, vt neque se
ipsam nauis, neque nauclerus
se ab eorum faucibus expedire
queat & valeat. Hinc est Reue-
rēdissime Antistes Illustrissime
Princeps ista auitæ iuxtà ac san-
ctissimæ nostræ religionis apud
multos vento quouis & pluma
mobiliores, inconstantia, qui
cùm olim ouili Ecclesiæ adhære-
rescerent, ouium naturæ post-
modum prorsus immemores,
turpes apostatę, & transfugæ fa-
cti, simplicitatem ouinam pla-
nè in foedam, feram, crudelem,
& cruentam luporum rabiem
citius mutarunt, quàm desides
& negligentes quidam pastores
animaduenterent. Horum ergo
& fraude, & dolo & tyrannide
in oues Christi permotus, non
potui

P R A E F A T I O.

potui non exhorrescere feram
istam pessimam in remotissimis
& longè disitis regionibus tam
breui tēpore exitiosas vires non
minuisse, sed vt lethale cancrū
incrementis sumptis serpsisse,
& vineam istam electam Christi
deuastasse, ac tandem ouile illud
unicū Ecclesiæ Romanæ & Ca-
tholicæ & subdolè penetrasse, &
maiori ex parte depopulatam
fuisse. Dicamne grauius? Quo
non sese extulit & etiamnum ef-
fert eorū effrenata audacia? Cū
enim intrinsecus sint lupi rapa-
cissimi, nostra ouina tantū pel-
le contecti, nulla est Cathedra
pestilētis illorum Synagogæ, in
qua se Dominica octaua post
Trinitatem, cū Dominus at-
tendendum à falsis prophetis
grauius

P R A E F A T I O.

grauissimè monet non vt oues
simplices venditent : nos verò
lupos rapaces esse plenis buccis
concrepent ? At apud quos ?
eos scilicet quibus nullum iu-
dicium, nulla discernendorum
spirituum industria, nullus gla-
dius verbi DEI, quo anatomia
quadam singula lupi membra
diuidant, & fecernant, quo vide-
ri possit, quã truculenta bestia,
quàm fera, quàm cruenta sub fi-
cta ouina veste latitauerit. Vti
nam ergo essent complures, &
industri rerum sacrarum, & spi-
ritualium medici, qui manum
huic labori admouerent, & pro
talento sibi tradito luporum ra-
pacium & falsorum propheta-
rum naturam & ingenium, tum
ex sacris literis, tū ex certis aliis
aucto

P R A E F A T I O.

auctoribus spectandam proponerent, utinam ex spiritualibus multi zelo ducerentur Helie prophetæ, in compescendis falsis prophetis quam 3. Reg. 18. posteritati commendatum legimus, utinam multi seculares principes in extirpandis similibus falsis Baal prophetis studium & operam omnem ponerent, ut fecisse Iehu regem Israel 4. liber Regum cap. 10. commemorat. Sed hi non verbo tantum, sed ferro, armis, gladijs correptis, pro honore Dei in extremum exitium falsorum prophetarum decertarunt. Ego pro meo modulo verbis potissimum sacrarum scripturarum agam, certa spe lactatus non defuturos, qui oculis linceis lupinam naturam

B conspe-

P R A E F A T I O.

conspecturi cautiùs in posterù,
quamcùq; ouinã, & lupinã pellẽ
intueantur, hanc detestentur, il-
lam à se auelli minimè patiãtur.
Vnde Illustrissime Princeps la-
borem hunc eo libentiùs sus-
cepi quò magis nihil ex re Eccle-
siæ Catholicæ iudicavi pro inge-
nij mei tenuitate necessarium,
& eo vel maximè nomine, quod
licet officiũ hoc me cogat inter-
rũpere cõcionãdi munus, quod
ab anno pene 72. in varijs Euro-
pæ partibus, Christi & religio-
nis nomine indignus subij: tamẽ
nolim sic Marthæ distractioni-
bus opprimi, vt cõtemplatio S.
Mariæ Magdalene, quæ potissi-
ma est in vita religiosa & Mona-
nastica, planè sopita & prostrata
iaceat Hinc libellum hũc, & stu-
dium

P R A E F A T I O.

dium in eo quaecumq; non dubito habiturū varios censores, pro eo quo sunt multi ingenio & stomacho dispares, bonis placuisse honori erit, malis displicuisse non infima laus fuerit.

Quod si visus aliquibus fuero magis ad iuporum ingenium intentior, non mihi, sed veritati à Deo & à prophetis tradita tribuatur. Ne tamen praecipitanti ingenio opusculū hoc sine cuiusq; tutela typis subiiciatur, & in lucē edatur, volui & semper a dignitate hac suscepta in votis mihi fuit, Reuerendissime Antistes Illustrissime & Clementissime Princeps, vt hoc ipsum in lucem sub nominis tui Illustrissimi dignitate prodiret, partim vt animum meum in studiū am-

B ij plissis

P R A E F A T I O.

plissimæ dignitatis tuæ, ob varia
olim & nunc, in hoc fastigio Ec-
clesiæ iam pridem constituto, in
me merita incitatum, insigni a-
liqua volûtatis testificatione de-
monstrarem, partim vt me &
auctoritatis & virtutis Illustris-
simę C. T. scuto & præsidio cõ-
tra omnium improborum ca-
lumnias & spicula munirem.
Accedit anni huius Iubilæi pri-
mus à me in hoc opusculo sus-
ceptus labor, quem cum omni-
bus tuę ditionis proceribus, tam
Ecclesiasticis quàm secularibus
felicem & vnanimẽ votis omni-
bus tũ T. dignitati, amplitudini,
& Illustris. Dominationi, vnà
cum mihi cõmisso Monasterio,
opto, quàm felicissimum. Quid
verò Antistiti in æditissimo pa-
storatus

P R A E F A T I O.

storatus & Episcopatus fastigio
constituto, potest esse dignius &
Christiano principi magis ad be-
ne constituendā & tuendā remp.
accommodatius, quā in fensis-
simos gregis sibi concrediti ho-
stes cū lupino furore & barba-
rie caulis ouium cōcreditarum
sefe ingerentes à finibus ouilis
sumā auctoritate arcere & pro-
pellere, & oues certis suis sedi-
bus, & locis, & finibus cum pote-
state continere? Vestrae itaque
Celsitudini, quam continua
Episcoporum Padibornensium
serie quadragesimū quartum
Antistitem agnoscimus, ab Ha-
cumaro primo auctoritate Ca-
roli Magni constituto, vestrae
inquam Reuerendissimæ & Il-
lustrissimæ Dominationi hoc

B iij opus

P R A E F A T I O

opusculum quàm officiosissimè, & humillimè offero. Illi scilicet cui annulus desponsatae sibi Ecclesie Padibornensis cõmissus, cui baculus pastoralis ad abigendos arcendosq; lupos rapaces concreditus, cui mitra coronam auream vigilantibus pastoribus de jure diuino debitam præseferēs, & cornuta quidem, auctoritatē Ecclesie Catholice vt columnę & firmamento nullavi nec infernali quidem labe factando animis hominum exhibens, cum maiestate imposita; vt feras robore suo abigat, cornu enim robur & auctoritatem in sacrarum literarum monumentis, varijs hic non commemorandis locis, denotat: merito hoc munusculum Xenj loco

T. II.

P R A E F A T I O.

T. Illustrissimę C. dedicauerim,
Ad cæteras enim animę dotes
quibus non solum generis sui
Fürstenbergiorum amplissimi
nobilitate, sed heroicarum vir-
tutum etiã præconio ad culmē
illud dignitatis euecta est, habet
animum incitatū ad oues perdi-
tas, quouis & periculo & discrimi-
nē postposito à rabie luporū
rapaciū vindicandas. Boni ergo
Clementissimus Princeps hu-
milis Abbatis humile obse-
quium consulat, qui nullam
vicissitudinem expetit aliam,
quàm vt ordo D. Benedicti in-
primis, tum Monasterium hoc
Abdinckhouense T. Illustrissi-
mæ Celsitudinis patrocinio flo-
reat. vti id ipsum omnibus præ-
decessoribus curæ fuit. In pri-

P R A E F A T I O.

7 Henrici

mis verò pientissimę memorię
Menuerco Geldriaco comite de
Deistenbandt & Redichen con-
fanguineo^r II. Imperatoris, à
quo Monasteriũ hoc Abdinck
houense in honorẽ Sanctorum
Apostolorum Petri & Pauli li-
beralissimè fundatum. Quod
tandem idem S. Henricus Impe-
rator Schaumburgicis & Tran-
sylvanicis quibusdam bonis pro-
sua in rem nostram munificẽtia
auxit. Imodi qui incendio ab-
sumptum templum rursus ex-
citauit, Poppo qui nouas ædes
addidit. Adde ipsum Baduranũ
secundum Antistitẽ, qui pueros
tam nobiles quam plebæos bo-
næ tamen indolis in augmentũ
introducã religionis Christia-
næ literis sacris imbui per viros
reli.

P R A E F A T I O
religiosos in augmentū fidei Ca-
tholicę curauit. Bene & felicissi-
mè valeat V. Reuerendissima &
Illustrissima Dominatio cū sua
selectissima Diocēsi Padibor-
nensi. Datum pro fælicis anni
huius Iubilæi auspicio ex Abba-
tia SS. Petri & Pauli Abdinck-
houēsi in ditione & ciuitate ve-
stra Padibornensi Kalendis Ia-
nuarij, anno 1600.

T. Reuerendissimæ & Illustriss.
Celsitudinis.

Sacellanus & humilis Abbas
ibidem Leonardus Rube-
nus Effendiens. SS. Theo-
giæ Licentiatus.

B 5 AD